

TERMA DAN SYARAT YANG MENGAWAL KEMPEN “PB PREMIER HIGH YIELD FIXED DEPOSIT” (DEPOSIT TETAP)

Kempen “PB Premier High Yield Fixed Deposit” (“Kempen”) ini dilancarkan bersama-sama oleh Public Bank Berhad No. Pendaftaran 196501000672 [6463-H] (“PBB”) dan Public Islamic Bank Berhad No. Pendaftaran 197301001433 [14328-V] (“PIBB”) (secara kolektif dikenali sebagai “Bank”). Terma dan syarat yang berikut mengawal Kempen ini.

1. Tempoh Kempen

- 1.1 Kempen ini akan berlangsung dari **1 Januari 2021 hingga 30 Jun 2021**. [termasuk kedua-dua tarikh tersebut atau tarikh lain seperti yang ditentukan oleh Bank (“Tempoh Kempen”)].

2. Kelayakan

- 2.1 Kempen ini hanya terbuka kepada pelanggan Perbankan Red Carpet (RCB) (“Peserta yang Layak”) dan deposit / pelaburan mesti dibuat di mana-mana Pusat RCB (“Pusat RCB yang Mengambil Bahagian”) di cawangan PBB.
- 2.2 Mereka yang berikut TIDAK layak untuk mengambil bahagian dalam Kempen ini:
- a) kakitangan tetap dan/atau kontrak PBB, PIBB dan Public Investment Bank Berhad (“PIVB”);
 - b) pelanggan bukan individu iaitu keempunyaan tunggal, perkongsian, entiti korporat, persatuan, kelab, sekolah dan pertubuhan
 - c) orang yang tidak waras;
 - d) orang yang telah diisytiharkan bankrap atau mempunyai prosiding guaman dalam apa jua bentuk terhadapnya; dan
 - e) orang yang akaunnya dengan PBB dan/atau PIBB culas atau tidak disenggara dengan memuaskan seperti yang ditetapkan oleh PBB dan/atau PIBB.

3. Mekanisme Kempen

- 3.1 Produk yang Layak merujuk yang berikut:-

- a) Dana Unit Amanah Ekuiti / Berimbang / Aset Campuran Siri PB (UA) [“Dana yang Layak”]; atau
- b) PB Smart Link / PB Smart Elite (Pelan Insurans Berkaitan Pelaburan Premium Tunggal) (“Insurans”) yang ditaja jamin oleh AIA Berhad; atau
- c) PB ExcelLink-i (Pelan Takaful Berkaitan Pelaburan Caruman Tunggal yang Patuh Syariah) (“Takaful”) yang ditaja jamin oleh AIA PUBLIC Takaful Berhad.

3.2 Semasa Tempoh Kempen, Peserta yang Layak layak untuk mendapat kadar faedah / keuntungan promosi bagi peletakan deposit mereka di bawah Deposit Tetap PLUS (Konvensional) (“DT PLUS”) atau Deposit Bertempoh-i (Islam) (“DB-i”) seperti yang dinyatakan dalam **Jadual A** sekiranya mereka memenuhi semua kriteria yang berikut:-

- mereka meletakkan deposit minimum sebanyak RM50,000 di bawah DT PLUS atau DB-i; dan
- mereka berjaya melabur / membeli / mencarum apa-apa Produk yang Layak dengan amaun pelaburan minimum seperti yang dinyatakan dalam **Jadual B**.

Peserta yang Layak dikehendaki melabur atau membeli atau mencarum apa-apa Produk yang Layak terlebih dahulu sebelum membuat peletakan deposit. Peletakan deposit mesti dibuat dalam tempoh lima (5) hari bekerja dari tarikh pelaburan / pembelian / pencaruman Produk yang Layak. Pelaburan / Pembelian / Pencaruman Produk yang Layak dan peletakan deposit mesti dibuat di Pusat RCB yang sama.

Jadual A

Amaun DT PLUS / DB-i	Kadar Faedah / Keuntungan Promosi (% setahun)			
	Nisbah UA / Insurans / Takaful : DT PLUS / DB-i (2 : 1)		Nisbah UA / Insurans / Takaful : DT PLUS / DB-i (5 : 1)	
	Tempoh 6 Bulan	Tempoh 12 bulan	Tempoh 6 bulan	Tempoh 12 bulan
RM50,000 hingga kurang daripada RM100,000	2.80	2.35	4.80	3.35
RM100,000 hingga kurang daripada RM300,000	3.40	2.65	6.80	4.35
RM300,000 dan ke atas	4.20	3.05	8.80	5.35

DT PLUS dan DB-i dilindungi oleh Perbadanan Insurans Deposit Malaysia setakat RM250,000 bagi setiap pendeposit.

Jadual B

Nisbah UA / Insurans / Takaful: DT PLUS / DB-i	Jumlah Minimum (RM)		
	UA / Insurans / Takaful	DT PLUS / DB-i	Jumlah
2 : 1	100,000	50,000	150,000
5 : 1	250,000	50,000	300,000

- 3.3 Pemegang akaun UA atau pemilik polisi Insurans atau pemilik sijil Takaful mestilah salah SEORANG daripada pemegang akaun DT PLUS / DB-i, bagi pemegang akaun bersama.

Terma Khusus bagi DT PLUS / DB-i

- 3.4 Semua wang atau dana yang diletakkan di bawah DT PLUS / DB-i mestilah dana baharu. “Dana baharu” merujuk apa-apa wang atau dana yang bukannya daripada dana sedia ada dalam akaun deposit Peserta yang Layak sama ada dipegang secara bersendirian atau bersama-sama dengan orang lain dan disenggara dengan PBB atau PIBB. Peserta yang Layak mesti membuat peletakan deposit dalam tempoh tujuh (7) hari kalendar dari tarikh wang atau dana itu dipindahkan atau dikreditkan dalam akaun Peserta yang Layak, jika tidak wang atau dana itu tidak lagi dianggap “dana baharu”.
- 3.5 Peletakan DB-i hanya diterima pakai bagi pelaburan dalam Dana Unit Amanah Ekuiti / Berimbang / Aset Campuran Siri PB yang berasaskan Syariah atau caruman Takaful.
- 3.6 Peserta yang Layak dibenarkan untuk membuat peletakan DT PLUS / DB-i dalam resit berganda (dalam amaun dan tempoh peletakan yang sama) dan peletakan mesti dibuat pada hari yang sama.
- 3.7 Peletakan DT PLUS / DB-i hanya untuk 6 bulan atau 12 bulan sahaja. Kadar faedah / keuntungan promosi hanya diterima pakai untuk satu (1) pusingan sahaja. Apabila matang, peletakan DT PLUS / DB-i itu akan diperbaharui secara automatik bagi tempoh 6 bulan atau 12 bulan pada kadar faedah / keuntungan kaunter semasa PBB/PIBB dengan faedah DT PLUS / keuntungan DB-i (mana-mana yang berkenaan) ditambah kepada amaun pokok atau dikreditkan dalam akaun Semasa atau Simpanan Konvensional / Islam (CASA/CASA-i) yang ditetapkan.
- 3.8 Faedah atau keuntungan (mana-mana yang berkenaan) dikira berdasarkan bilangan hari sebenar.
- 3.9 Apabila matang, faedah DT PLUS / keuntungan DB-i (mana-mana yang berkenaan) akan ditambah kepada amaun pokok atau dikreditkan dalam CASA/CASA-i milik Peserta yang Layak yang ditetapkan menurut peraturan pengendalian biasa PBB/PIBB bagi pengkreditan faedah DT PLUS/keuntungan DB-i dalam CASA/CASA-i.
- 3.10 **Peletakan deposit yang dibuat di bawah Kempen ini yang dikeluarkan sebelum matang tidak layak untuk mendapat apa juga faedah / keuntungan (mana-mana yang berkenaan).**

Syarat di atas akan terus diterima pakai apabila peletakan DT PLUS / DB-i itu diperbaharui.

- 3.11 Pengeluaran sebahagian peletakan dalam DT PLUS / DB-i **tidak** dibenarkan.

- 3.12 Semua arahan bagi pengeluaran peletakan DT PLUS / DB-i mesti dibuat dengan memberi arahan bertulis yang jelas dan tepat dan ditandatangani dengan sewajarnya oleh penandatangan dibenarkan pemegang akaun tersebut berkaitan dengan pengeluaran dan pelupusan deposit berkenaan. PBB dan PIBB berhak untuk menolak / mengelak daripada melaksanakan arahan tersebut sekiranya tandatangan pada dokumen seumpama itu, pada pandangan PBB atau PIBB, mengikut keadaan, berbeza daripada tandatangan contoh yang diberi dalam sistem PBB atau PIBB. Semua pindaan dalam arahan tersebut hendaklah disahkan dengan tandatangan dibenarkan yang mana tandatangan itu hendaklah mengikut contoh tandatangan dalam sistem PBB atau PIBB.
- 3.13 Apa-apa peletakan deposit yang dibuat di bawah Kempen ini tidak akan dibenarkan untuk dicagarkan bagi apa-apa overdraf, kemudahan tunai-i, atau kemudahan atau pembiayaan lain.

Terma Khusus bagi UA

- 3.14 Peserta yang Layak dibenarkan untuk melabur dalam berbagai-bagai Dana yang Layak dengan syarat ia mesti dibuat pada hari yang sama di Pusat RCB yang sama.
- 3.15 Pelaburan UA yang berikut **TIDAK** layak untuk mengambil bahagian dalam Kempen ini:-
- a) Tukar ganti daripada dana beban dalam Dana yang Layak;
 - b) Pelaburan yang dibuat menggunakan dana daripada Kumpulan Wang Simpanan Pekerja (“KWSP”);
 - c) Pelaburan yang dibuat melalui platform dalam talian seperti Public Mutual Online;
 - d) Pelaburan dalam Dana e-Siri PB; dan/atau
 - e) Pelaburan dalam dana Skim Persaraan Swasta (“PRS”).
- 3.16 Peserta yang Layak dianggap tidak memenuhi kriteria yang dinyatakan dalam Perkara 3.2 (b) di atas sekiranya pelaburan dalam dana yang Layak dibatalkan semasa “tempoh bertenang”. Dalam hal ini, kadar faedah / keuntungan bagi peletakan deposit di bawah DT PLUS / DB-i akan ditukarkan kepada kadar faedah / keuntungan kaunter semasa PBB atau PIBB pada tarikh peletakan bagi tempoh DT PLUS / DB-i berkenaan.
- 3.17 PBB dan/atau PIBB tidak perlu memberi Peserta yang Layak notis terlebih dahulu mengenai pertukaran tersebut.
- 3.18 “Tempoh bertenang” merujuk tempoh selama enam (6) hari perniagaan mulai tarikh penerimaan borang permohonan oleh dan pembayaran kepada Public Mutual Berhad (PMB). Tempoh bertenang itu hanya diterima pakai kepada Peserta yang Layak yang melabur dalam UA dengan PMB untuk kali pertama.
- 3.19 Pelaburan UA tertakluk pada terma dan syarat yang dikeluarkan oleh PMB.

Terma Khusus bagi Insurans / Takaful

- 3.20 Peserta yang Layak dianggap tidak memenuhi kriteria yang dinyatakan dalam Perkara 3.2 (b) di atas sekiranya Insurans / Takaful (mana-mana yang berkenaan) dibatalkan semasa “tempoh bertenang”. Dalam hal ini, kadar faedah / keuntungan bagi peletakan deposit di bawah DT PLUS / DB-i akan ditukarkan kepada kadar faedah / keuntungan kaunter semasa PBB atau PIBB pada tarikh peletakan bagi tempoh DT PLUS / DB-i berkenaan.
- 3.21 PBB dan/atau PIBB tidak perlu memberi Peserta yang Layak notis terlebih dahulu mengenai pertukaran tersebut.
- 3.22 “Tempoh bertenang” merujuk tempoh selama lima belas (15) hari mulai tarikh penerimaan dokumen atau sijil polisi, mengikut keadaan, berkenaan dengan produk Insurans / Takaful, sama ada dalam salinan keras atau e-Polisi / e-Sijil oleh Peserta yang Layak.
- 3.23 Pembelian Insurans / caruman Takaful juga tertakluk pada terma dan syarat yang dikeluarkan oleh AIA Berhad atau AIA PUBLIC Takaful Berhad, mengikut keadaan.

Terma Lain

- 3.24 Deposit dalam DT PLUS dan DB-i dan pelaburan atau pembelian atau pencaruman apa-apa Produk yang Layak di bawah Kempen ini tidak akan diuntukkan atau digunakan untuk apa-apa kempen atau promosi lain.
- 3.25 Kempen ini tidak sah dengan kempen dan/atau promosi lain yang kini ditawarkan oleh PBB dan/atau PIBB.

4. Terma dan Syarat Am

- 4.1 Dengan mengambil bahagian dalam Kempen ini, Peserta yang Layak bersetuju untuk terikat dengan terma dan syarat ini, terma dan syarat yang mengawal Produk yang Layak, DT PLUS dan DB-i (termasuk apa-apa pindaan, perubahan dan/atau semakan semula terma dan syarat ini). Sekiranya terdapat ketidakseragaman antara terma dan syarat ini dengan terma dan syarat yang mengawal Produk yang Layak, DT PLUS dan DB-i, terma dan syarat ini akan diterima pakai bagi tujuan Kempen ini.
- 4.2 Peserta yang Layak mengakui dan bersetuju bahawa rekod urus niaga yang disenggara oleh PBB dan PIBB dan keputusan PBB dan PIBB berkaitan dengan Kempen ini adalah muktamad, konklusif dan mengikat ke atas mereka. PBB dan PIBB tidak akan melayani apa-apa rayuan atau surat-menyurat daripada mana-mana Peserta yang Layak dan/atau pihak ketiga.

- 4.3 Peserta yang Layak bersetuju dan memberi keizinan kepada PBB dan PIBB untuk memproses, menggunakan dan menyimpan semua maklumat mereka berkenaan dengan produk yang Layak, DT PLUS dan DB-i bagi tujuan Kempen ini.
- 4.4 PBB dan PIBB tidak akan dipertanggungjawabkan mahupun bertanggungjawab bagi apa-apa bentuk dan apa sekali pun yang timbul atau dialami oleh Peserta yang Layak dan/atau pihak ketiga yang disebabkan secara langsung atau tidak langsung daripada Kempen ini kecuali disebabkan oleh kecuaiian atau salah laku yang disengajakan oleh PBB atau PIBB secara khusus berkaitan dengan Kempen ini.
- 4.5 PBB dan PIBB tidak akan dipertanggungjawabkan bagi apa-apa salah tafsiran atau salah gambaran fakta oleh pihak ketiga yang tidak dibenarkan berkaitan dengan Kempen ini yang disiarkan dalam media massa, bahan pemasaran dan pengiklanan.
- 4.6 Sejauh mana dibenarkan oleh undang-undang, PBB dan PIBB secara nyata mengecualikan dan menolak apa-apa representasi, waranti atau pengesahan, secara nyata atau tersirat, bertulis atau lisan, tanpa pengedaran kepada apa-apa yang diterbitkan dalam media massa, bahan pemasaran atau pengiklanan, termasuk tetapi tidak terhad pada apa-apa jaminan kualiti, kebolehdagangan atau kesesuaian untuk sesuatu tujuan berkaitan dengan Kempen ini.
- 4.7 Sekiranya terdapat ketidakseragaman antara terma dan syarat ini dengan apa-apa bahan pengiklanan, kempen, promosi, publisiti dan bahan lain yang berkaitan dengan Kempen ini, terma dan syarat Kempen ini akan diterima pakai.
- 4.8 PBB dan PIBB berhak untuk menambah, memotong atau mengubah terma dan syarat ini, dari semasa ke semasa, sepenuhnya dan sebahagiannya, dengan memberi notis lebih awal kepada Peserta yang Layak melalui laman web PBB, mempamerkan notis di cawangan PBB atau PIBB atau apa-apa cara lain sebagaimana yang akan ditentukan oleh PBB atau PIBB dari semasa ke semasa.
- 4.9 PBB dan PIBB berhak untuk membatalkan, menarik balik, menggantung, melanjutkan atau menamatkan Kempen ini sebelum Kempen ini tamat, sepenuhnya atau sebahagiannya, dengan memberi notis terlebih dahulu. Bagi mengelakkan keraguan, apa-apa pembatalan, penarikan balik, penggantungan, lanjutan atau pembatalan tidak akan melayakkan Peserta yang Layak untuk apa-apa tuntutan atau ganti rugi terhadap PBB atau PIBB bagi mana-mana atau semua kerugian atau ganti rugi yang ditanggung atau dialami oleh Peserta yang Layak.
- 4.10 Terma dan syarat ini akan dikawal dan ditafsir menurut undang-undang Malaysia dan Peserta yang Layak bersetuju untuk mematuhi bidang kuasa bukan eksklusif mahkamah di Malaysia.
- 4.11 Peserta yang Layak boleh membaca Notis Kerahsiaan PBB atau PIBB yang menyatakan bagaimana PBB atau PIBB menggunakan maklumat mereka melalui www.pbebank.com atau www.publicislamicbank.com atau mana-mana cawangan PBB atau PIBB.